

ጳውሎስ ፕሊጲሲዮስ ኣሳሰ ፃፊ ዲታ ጊዶ ቆፋ

ጳውሎስ ሃ ኪታዛ ፃፊ ዲታ ማቂዲኒያ ጌቲቲዛ ኦሮሜ ካዎይ ሃሪዛሶን ዲዛ ፕሊጲሲዮስ ጌቲቲዛ ዴሪን ዲዛ ዎሳ ኬላይሳ። ሄና ሄ ዎሳ ኬላያ ጳውሎስ ኮይር ኣወርፓን ኤሲዳ ዎሳ ኬላ። ፕሊጲሲዮስ ካታማን ዲዛ ኣሳፔ ዳሪዛ ባጋይ ኦሮሜ ቢታፊ ዩዳ። ሄሳፊ ዴንዲዳይሳን ዳሮቲ ኦቶሬቴቲስ። (ሃዋ 16:21) ኢሰታፊ ባጋቲ ኪርሰቶሳን ኣማኒዛይታ። ሄሳ ጊሽ ባ ኣሳታን ኢጳቲዳይታኔ ጎዴቲዛይታ ጊዲዳ። ሄሲካ ኢሰቲ ሃ ኣሳሜ ዲሳን ማንቆ ጊዳና ማላ ኦሲዴስ። (2ቆሮ 8:2) ጊዲዳኮካ ኢሰቲ ኣማኖን ማኒ ኤቂዲ ሃንኮ ኣማኒሽ ዋዩቲዛይታ ማዲዛይታ ጊዲዳ። ሄሳ ጋሶን ጳውሎስ ኢሰታ ኣዴፊ ሰቂስ።

ሃ ኪታይ ፃፊቲዳይ ጳውሎስ ቃሾሶን ዲሺን ሃንኮ ኣማኒዛ ኦሳንቻታፔ ኤቂቲሉ ኢዛ ጋኪን ፕሊጲሲዮሳን ዲዛ ዎሳ ኬላይ ጋርሳን ዴንዲዳ ዎርዶ ቲሚርቲ ጋሶን ኢዛ ዎዝናይ ሜቂ ዲሺና። ጊዶ ኣቲን ሃ ኪታዛን ቆንጨ ቤቲዛይ ኡፋይሰኔ ኩሜላ ኣማኔቲሉ። ጳውሎስ ሄሳ ሄ ኪታዛ ፃፊ ዲታ ጋሶይ ኢዚ ሜቶቲ ዲሺን ፕሊጲሲዮስ ኣማኒዛ ኣሳይ ኢዛሰ ማዶ ዩዲዳ ጊሽ ኢሰታ ጋላታናሲኮ! ኢዛ ቦላ ጊዲን ዎይኮ ኢሰታ ቦላ ዲማ ዲማ ሜቶቲ ጋኪኮካ ኢሰታሰ ዳር ፃላቲላኒ ኩሜላ ማኖ ኣማኖይ ኢሰታሰ ዳና ማላ ኢዚ ኢሰታ ማንፌሉ። ኦቶሬቴሉኔ ጨቁቲሉ ኣጊዲ ዩሱሰ ኪርሰቶሳ ኣሺኬቲላን ኩማና ማላ ኢዚ ኢሰታ ማንፌ ቆፊሴስ። ኢሰቲ ዩሱሰ ኪርሰቶሳራ ኣያናን ኢሲኖ ጊዲዳ ዴሚዳ ዴዎዚ ዎሳ ኪያቲላፊ ቤቲዳይሳኔ ኢሰቲ ኣማኖን ኤኪዳይሳፊ ኣቲን ዎጋ ናጎን ቤቲዳይሳ ጊዴና ጊዲ ኢዚ ኢሰታ ቆፊሴስ። ዩሱሰ ኪርሰቶሳራ ኢሲፊቲላን ዲዛ ኡባታሰ ዎሲ ኢሰታሰ ኣሚዛ ሳርቲላ ጊሺኔ ኡፋይሳ ጊሺካ ፃፊዴስ።

ሃይሲ ሃ ኪታዚ ኤሬቲዛይ ኡፋይሰ፣ ኣማኔቲሉ፣ ኢሲፊቴሉኔ ኣማኖን ዴዎን ማኒ ኤቃና ማላ ቆንጨሲ ቤሲዛይሳና። ቃሴካ ሃዋሬ ጳውሎስ ፕሊጲሲዮስ ዎሳ ኬላዮ ዳር ሰቂዛይሳ ቆንጨሴስ።

- ሃ ማፃፋይ ኦይኪዳ ኩሜላ ቆፋ
- ጌሎሶ 1:1-11
- ጳውሎስ ዲሳ ጊሽ 1:12-26
- አማሮን ዲሳስ ሌሚሶ 1:27-2:18
- ደምቶሳኔ አፍሮዲያ ቆፋ 2:19-30
- አማሮ አዲዛይታፔ ናጌታና ማላ ዮቶ 3:1-4:9
- ጳውሎስ ፕሊዲሲዮሳን አማኒዛይታስ ሺሺዲ ጋላታኔ ዞሬ 4:10-20
- ኩሻ ቆፋ 4:21-23

1 ዬሱስ ኪርስቶስ ኦሳንቻ ጊዲዳ ጳውሎሳፔኔ ደምቶሳፔ ዋሳ ኬላ ጩማታራኔ ዳቆኔታራ ኢሲፌ ፕላይሳን ዳሬን ዲዛ አማኒዛይታስ ዬሱስ ኪርስቶስ ዲማቲዳይታስ ኡባስ፤ * 2 ኑ አዋ ያሳፌ፥ ጎዳ ዬሱስ ኪርስቶስ ኪያቴሌኔ ሳሮቴሌ ኢንቴስ ጊድ።

ጋላታ ዋሳ

3 ኢንቴና ቆፕዛ ኡባ ጋላስ ታኒ ታ ያሳ ጋላታይስ። 4 ኡባ ጋላስ ኢንቴ ጊሽ ታ ዋሲዛ ዋዴ ኡፋይሳን ዋሳይስ። 5 ኮይሮ ጋላሳፌ ሃ ሲሚን ሃሮ ጋካናስ ሚሺራቾ ቃላ ኦሶን ኢንቴ ታናራ ዴታ። 6 ኢንቴናን ሎያ ኦሶ ደሚዳይሲ አዚ ዬሱስ ኪርስቶሲ ወርሴላ ፐርዳስ ያና ጋካናስ ኢንቴና ዳንዳዪሳይሳ ታ አማናይስ።

7 ታ ሃሲ ቃሾ ኬላን ዲሺኒኔ ታ ቃሽታናፔካ ካሴ ሚሺራቾ ቃላ ቱማ ናጋናሲኔ ሚንጮላናስ ያሲ ታስ ባ ኪያቴላን አሚዳ ማዶን ኢንቴ ወሪካ ታናራ ኢሲፌ ኦሲዳይታ ጊዲዳ ጊሽ ኢንቴ ኡባ ጋላስ ታ ዋዝናፔ ጳዩኬታ። ሃሳ ጊሽ ታ ኢንቴ ጊሽ ቆፓናስ ታስ ቤሴስ።

8 ታ ኢንቴና ዬሱስ ኪርስቶስ ሲቆን ዋስታ ላሞቲዛኮኔ ያሲ ታስ ማርካ።

9 ኢንቴ ሲቆይ ኤራቴላኒኔ አኬካን ኬሂ ዳራና ማላ ታ ዋሳይስ።

10 ሄሲካ ኢንቴ ኡባፌ አዲዛይሳ ሻኪ ኤራና ማላኔ ዬሱስ ኪርስቶስ ዩሳ ጋላስ ጋካናስ ኢንቴ ጌሻታኔ ዋሶይ ባይንዳይታ ጊዳና ማላ ኮያይስ። 11 ያሳ ቦንቺሲዛይሳኔ ጋላቲሲዛይሳ ኢንቴ ኦላና ማላ ዬሱስ ኪርስቶስ ቤቲዛ ጌሻቴላ አይፌን ኢንቴ ዋዝናይ ኩሞ።

ጳውሎስ ቃሽቴላን ሚሺራቾ ቃላ ዲቾ

* 1:1 ሃዋ 16:12

12 ሃዲካ ታ ኢሻቶ! ታ ቦላ ጋኪዳ ሜቶይ ሚሺራሾ ቃላይ ካሴፔ ዳሪ ኣካናሰ ጊዲዳይሳ ኢንቴ ኤራና ማላ ታ ኮያይሰ።
 13 ሄሳ ጊሽ ታ ቃሼቴላይ ኪርሰቶሳ ጊሽ ጊዲዳይሰ ካዎ ኬላ ዛቤታሲኔ ሃራታሰካ ኤሬቴዴሰ። * 14 ታ ቃሼቴዳይሳ ጌዶን ኣሚኒዛይቲ ያሳ ቃላ ባቦንታ ያላቴላን ኣሳሰ ማርካታናሰ ሚኖቴላ ዴሚዳ።

15 ኢሲ ኢሲ ኣሳቲ ጮ ኑ ኢዛፔ ዋኒዶን ጌላኒኔ ሆሎቴላን ሳባኬቴሰ። ባጋይቲ ቃሴ ሎዎ ቆፋራ ኪርሰቶሳ ጊሽ ሳባኬቴሰ።
 16 ባጋይቲ ታ ሚሺራሾ ቃላ ጊሽ ሞቴታና ሃን ዲዛይሳ ኤሪዛ ጊሽ ሲቆን ሳባኬቴሰ። 17 ሃንኮይቲ ቃሴ ሎዎ ቆፋን ጊዶንታ ታና ጋኪዳ ቃሽዛ ቦላ ሃራ ዋዬ ጋላናሲኔ ባ ኢታ ቆፋ ፖላናሰ ኪርሰቶሳ ሳባኬቴሰ።

18 ሄሳ ጊዲኮ ኣይ ሜቶ ዲዛይ! ዋና ኣይፌ ዮዖይ ሱሬቴላን ጊዲን ዋይኮ ሚሳቲሶን ጊዲንካ ኣዋራካ ኪርሰቶሳ ሳባኪዛ ጊሽ ታ ኡፋይታይሰ። ቃሴካ ታ ኡፋይታና። 19 ታ ቦላ ጋኪዳ ሜቶፔ ታ ኣቆናይ ኢንቴ ዋሳኒኔ ዬሱስ ኪርሰቶሳ ኣያና ማዶን ጊዲዳይሳ ታ ኤራይሰ። 20 ታ ኣይ ኦጌራካ ዬላቶንታ ማላ ሚኖ ኡፋይሲኔ ላሞታይ ታሰ ዴሰ። ጊዶ ኣቲን ካሴካ ሃቺካ፤ ታ ሃይቂንካ ፓዖ ዲንካ ኪርሰቶሲ ታ ኣሾን ቦንቺታናይሳ ታ ያላቴላን ሃሳያይሰ።
 21 ታሰ ዴሰ ጉሲ ኪርሰቶሳ። ሃይቆይካ ታሰ ጎዓ። 22 ጊዶ ኣቲን ታኒ ሃይሳ ኣሾ ዲሳን ጉጃ ዲዛኮ ኣይፌ ኢሚዛ ኦሶ ኦሳይሰ ጉሳ። ታ ኣዋይሳ ዶራናኮኔ ታሰ ኤሬቴና። 23 ሃ ናሞዑ ሃናታን ሜቶቴታዲሰ። ታ ባዳ ኪርሰቶሳራ ዳናሰ ላሞታይሰ። ሄሲ ሃራ ኡባፌ ኬሂ ሎዎ። 24 ጊዶ ኣቲን ታሰ ኣሾን ዲሲ ኢንቴሰ ኬሂ ኮሺሰ።

25 ሄሳ ኣኬካዳ ኢንቴ ኣማኖን ዲጫና ማላኔ ኡፋይታና ማላ ኢንቴ ኡባታ ማታን ጋሞዓናይሳኔ ዳናይሳ ታ ኤራይሰ። 26 ታ ሄ ባዳ ኢንቴ ኣቻን ዳዪኮ ታ ጋሶን ኢንቴሰ ኪርሰቶሳን ዲዛ ጨቁቴላ ዲራና።

27 ኪርሰቶሳ ሚሺራሾ ቃላሰ ቤሲዛ ማላ ዲቴ። ሄሳላ ሃንካ ታ ኢንቴና ሄ ባዳ ቤይዳኮ ዋይኮ ሃሆን ዳዳ ኢንቴ ጊሽ ታ ሲዪዛኮ ኢንቴ ሚሺራሾ ቃላ ኣማኖሰ ኢሲኖ ኦሎቲሽ ኢሲ ኣያናን ኢንቴ ሚኒ ኤቅናይሳ ታ ኤራይሰ። 28 ኣይ ኦጌራካ ኢንቴናራ ኤቁቴዛይታሰ ሂርጎፍቴ። ሄሲ ኢሰቲ ቆያናይሳሲኔ ኢንቴ ኣታናይሳሰ ያሳፌ ኢሜቲዳ ማላታ። 29 ኢንቴ ኪርሰቶሳ

* 1:13 ሃዎ 28:30

አማኒዛይታ ፃላላ ገደንታ ኢዛ ገሽ ዋዬ ኤከዛይታ ገደና ማላ ሃይሲ ያሳ ኪያቴሌ ኢንቴሰ ኢሚቴደሰ።³⁰ ኢንቴ ካሴ ቤዪዳ ማላ ሃዒካ ታ ቦላ ዲዛይሳ ኢንቴ ሲዪዛይሳ ማላ ሃሳሶ ኢንቴናካ ዋዪሶን ደሰ። *

2

ኣሽኬቴሌ ኪርሰቶሳፔ ታማር

¹⁻² ኢንቴሰ ኪርሰቶሳ ባጋራ ቤቴዳ ኢሲፊቴላ ጋሶን ኢሶይ ኢሳ ሚንሌሌዛዝ ሲቆ ገደንካ ዋይኮ ኣያና ኢሲፊቴሌ ዋይኮ ማርይኔ ኣሳሰ ሚሼቴሌ ኢንቴ ጋርሳን ዲኮ ኢንቴ ኣሰ ሲቆን ኢሲ ኣያናኒኔ ኢሲ ቆፋን ገዲዲ ታ ኡፋይሰ ፖሊቴ።³ ኣሰ ኡባ ኢንቴፊ ቦላራ ጃሊቴ ኣቲን ኢንቴርካ ኢንቴና ደሶን ዋይኮ ጎዓይ ባይንዳ ጋላታ ኤካናሰ ኢሲ ሚሺካ ኦፍቴ።⁴ ኢንቴፊ ኢሲ ኢሲ ኣሲ ሃራ ኣሰ ጎዒዛይሳ ጃሊቴ ኣቲን ኢንቴ ጎዓ ፃላላ ጃሎፍቴ።

⁵ ዬሱሰ ኪርሰቶሳሰ ዲዛ ኣሽኬቴሌ ኢንቴ ኣቻንካ ዶ።⁶ ኢዚ ኤራይሰ ያሳኮሺን ባና ያሳራ ገኒሳናሰ ኮይቤና።

⁷ ገደ ኣቲን ኣይሌ ሜቆ ኤኪዲ ኣሰ ሚሳቲዲ ባርካ ባና ኤያ ኣሰ ኬሲደሰ።⁸ ኣሰ ገዲ ቆንጨዲካ ባና ኣሳፔ ዚቃ ኦሊደሰ። ሃይቃና ጋካናሰ ሄሲካ ማሰቃሌ ቦላ ካቂቴ ሃይቃና ጋካናሰ ኣዛዜቴደሰ።⁹ ሄሳ ገሽ ያሲ ኢዛ ዳር ቶቁ ሂሰቴደሰ። ሱንሳ ኡባፊ ቶቁ ገደ ሱንሳ ኢዛሰ ኢሚደሰ።

¹⁰ ሄሲካ ሳሎንካ ቢታ ቦላን ቢታፊ ጋርሳንካ ዲዛ ሚጴቴሌኔ ጉልባቴይ ወሪ ዬሱሳ ሱንሳሰ ጉልባታና ማላ።¹¹ ኣሳ ኢንፃርሲ ወሪካ ያሳ ኣዋ ቦንቸሰ ዬሱሰ ኪርሰቶሲ ጎዳ ገዲዳይሳ ማርካታና።

ዴሬ ፖ?

¹² ሄሳ ገሽ ታ ኢሻቶ! ኢንቴ ካሴ ኡባ ዋዶ ኣዛዜቴዛይታ ገዲዳ ማላ ሃዒካ ታ ማታን ደንታ ኢንቴፊ ሃሆን ዲኮካ ኢንቴ ኣቴላይ ኩሚሳ ገደና ማላ ያሻቴላኒኔ ቦንቸን ፖሊቴ።¹³ ያሲ ኢንቴሰ ኣዛዜቴሌ ኢሚሼ ባ ቆፋ ወርሴሌ ጋካናሰ ኢንቴ ገደን ኦሊሰ።

¹⁴ ኣይ ሚሺካ ዙዙንሌኔ ፓላማይ ባይንዳ ኦሊቴ።¹⁵ ሄሲካ ኢንቴ ኢታኔ ጌላ ኣሳ ገደን ጌሻታኔ ዋሶይ ባይንዳ ያሳ ናይታ ገዲዲ ኣላሚ ቦላ ኣዋ ኣርሼ ማላ ዴሬ ኡባሰ ፖዓናሳ። *

* 1:30 ሃዋ 16:19-40 * 2:15 ዛሬ 32:5

16 እንቴ ኤኪዳ ዴዎ ቃላ ሎዔሌ ኦይኪኮ ኪርሰቶሲ ሃ ሲሚ ዪዛ ዎዴ ታ ማላ ዳቡርንታይሳ ጊሽ ታ ጨቁታናዚ ታሰ ዴስ።

17 ቃሴካ እንቴሰ ጎዳን ዲዛ ኦማኖይ እንቴ ያሳሰ ሺሻዳ ዳማ ያርሾ ማላ ታ ሺምፖይ እንቴ ያርሾራ ኢሲፌ ያርሾ ማላ ጉኪዛኮ እንቴናራ ታካ ኡፋይታና። 18 ሄሳሶካ እንቴ እንቴሰ ኡፋይቲዲ ታናካ ኡፋይሳናሰ ቤሴስ።

ፃምቶሳ ዎሳኔ ኦፍሮዲዎ ዎሳ

19 ጎዳይ ማዲኮ ፃምቶሳ እንቴኮ ዬዳዳ እንቴ ሎዔቴላ ጊሽ ሎዎ ዎሪ ሲያናሰ ኮያይሰ። 20 እንቴ ሎዔቴላ ጊሽ ቆፐዛ ኦሲ ሃራ ኢዛ ማላይ ኦኒካ ባዎ። 21 ሃራይ ዉሪካ ዬሱሰ ኪርሰቶሳይሳ ጊዶንታ ባ ጎሳሰ ዎዲዛዴ ፃላላ። 22 ጊዶ ኦቲን እንቴ ኤሪዛይሳ ማላ ፃምቶሲ ኢዚ ኦይ ማላ ኦሳኮኔ ባ ጊሽ ማርካሲዴስ። ናይ ባ ኦዎራ ኦሌዛ ማላ ታናራ ሚሺራቾ ቃላ ዮቲዴስ። 23 ሄሳ ጊሽ ሃይሳፌ ሲንፋን ታ ዎናናኮኔ ሻካ ኤሪዳፔ ጉዬ ኢዛ ታ እንቴኮ ኪታና ቆፓይሰ። 24 ታካ እንቴኮ ማታ ዎዴ ባናይሳ ጎዳን ኦማኔታይሰ።

25 ሄሳሶካ እንቴ ታና ኮሺዛ ሚሻን ኡባን ማዳና ማላኔ ሎዔሌ ኦይካና ማላ ዬዲዳ ኦፍሮዲዎ ታ እንቴኮ ዛራ ዬዳና ማላ ኮሺዛይሲ ታሰ ኤሪቴዴስ። 26 ጋሶይካ ኢዚ እንቴና ኩሜላታ ቤያናሰ ላዎቲዳ ጊሺኔ ቃሴካ እንቴ ኢዛ ሳኮዛ ሲዪዳይሳሰ ቆፐዳ ጊሻሳ። 27 ቱማፔካ ሃርጊዲ ሃይቁሼ ኦቲዴስ። ጊዶ ኦቲን ያሲ ኢዛ ማሪዴስ። ታ ካሴ ሙዞቲዛይሳ ቦላ ሃራ ሙዞይ ጉጁቶንታ ማላ ታናካ ማዲዴስ።

28 ሄሳ ጊሽ እንቴ ኢዛ ቤይዲ ኡፋይታና ማላኔ ታካ ሂርጋፌ ሺምፓና ማላ ኦዎታይሰ። 29 እንቴ ኢዛ ኬሂ ኡፋይሳን ሞኪ ኤኪቴ። ኢዛ ማላ ኦሳታካ ቦንቲቴ። 30 እንቴ ታና ማታን ዲዲ ኦሌ ማዳናሰ ዳንዳዮንታ ጊሽ ኢዚ ባ ሺምፖሰ ሚሺቶንታ ታና ኦሌ ማዲዲ ኪርሰቶሳ ኦሶን ሃይቁሼ ኦቲዴስ።

3

ኦሻን ጨቁታናሰ ቤሴና

1 ታ ኦሻቶ! ሃይሳፌ ሃራ ታ እንቴና ጊዛይ ጎዳን ኡፋይቲቴ። ሃሲካ ዛራዳ ኢዛ ታ እንቴሰ ፃፊኮ ታና ሳሌሌና። እንቴናካ ጎሳና።

2 ሄይታ ካና ማላ ሁሰካቲዛይታፔ፣ ኢታ ኦሌዛይታፔኔ ኦሳሰ ሜቁላ ሜንጢዛ ኦሳታፔ ናጌቲቴ። 3 ቱሙ ቃፃሪቲዳይቲ፣

ጾሴ ዋሲዛይቲ፣ ዩሱስ ኪርስቶስን ጨቁዛይቲ፣ አሾን ጨቁቶንታይቲኔ አሾንካ አማኔቶንታይቲ ኑና።

4 ታ ጨቃና ኮይኮ አሾ ባጋራ ጨቃና ሚሺ ታስካ ዴስ። ኦናስካ አሾን ጨቁዛ ሚሺ ዲዛ ሚሳቲኮ ታ ኢዛፔ አቋይስ።

5 ታኒ ዩሌቲዳ ኦስፑንጎ ጋላስ ቃፃሬታዲስ። ታ ኢሰራዔሌ ዜሬሌኔ ቢኒያሜ ኮቻሬ ዩሌታዲስ። ኢብራዌታ ጊዶን ታካ አዳ ኢብራዌ። ዋጋ ባጋራ አይቸዛዴይ ዲኮ ታ ካሴ ፋርሳዌ። * 6 ሙሴ ዋጋስ ዚልዔቲዛይሳ ጊዲኮ ታኒ ካሴ ዋሳ ኬጎ ጎዲዛዴ። ዋጋ ናጎን ቤቲዛ ጂሎቴላ ጊዲኮ ካሴ ታ ቦላ ኢሲ ዋሶይካ ዴና። *

7 ጊዶ ኣቲን ታስ ጎዓ ጊዲዳይሳ ኡባ ኪርስቶሳ ጊሽ ጋዳ ጎዓይ ባይንዳ ሚሻ ማላ ቆዳዲስ። 8 ሄሳፊካ ታ ጎዳ ዩሱስ ኪርስቶሳ ኤሮፔ አቋዛይ ሃራይ አይኮይካ ባይንዳይሳ ታ አማኒዛ ጊሽ ኡባካ ጮ ሜላ ጎዓይ ባይንዳ ሚሻ ማላ ቆዳዲስ። ታኒ ኢዛ ጊሽ ጋዳ ኡባካ አጋዲስ። ታ ኪርስቶሳ ዴማና ጋዳ ኡባ ሚሻካ ዋራ ዋቋዳ ኢታ ሚሻ ማላ ቆዳዲስ። 9 ታኒ ሄሳሶ ኦሲዛ ጋሶይ ካሴ ሙሴ ዋጋን ታስ ዲዛ ጂሎቴላ አጋዳ አማኖን ቤቲዛ ያሳ ጂሎቴላ ኪርስቶሳን አማናዳ ዴማናሴኔ ታ ኢዛራ ኢሲፊ ዴዓናሳ። 10 ኪርስቶሳኔ ኢዚ ሃይቂ ዴንዲዳ ዴንጎ ዋልቃ ታ ኤራና ማላ ኢዛ ዋይካ ታ ኢዛራ ጊሼታና ማላኔ ሃይቆንካ ታ ኢዛ ሚሳታና ማላ አዋታይስ። 11 ሄሳሶካ ታ ሃይቃ ዴንዲዳፔ ጉዬ ሜርናሰ ዳናስ ኮያይስ

ወርሴል ጋካናስ ዋሕ

12 ታ ሃይሳ ወርሳ ዴማዲስ ዋይኮ ሃይሳሶ ሃናዲስ ጉስ ጊዴና። ጊዶ ኣቲን ዩሱስ ኪርስቶሱ ታና ኤራይስ ሂስቲዲ ታስ ጊሊሲዳ ዋይቶ ኤካናስ ሚና ዋላ ቦላ ዳይስ። 13 ታ አሻቶ! ታ ሃዒ ታ ኮዩዛይሳካ አይኪዳ ማላ ቆዳኪ። ጊዶ ኣቲን ታ ኢሲ ሚሺ አፋና። ታፔ ጉዬራ ዲዛይሳ አጋ አጋዳ ታፔ ሲንጎን ዲዛይሳ አይካናስ ዛራቋይስ። 14 ያሲ ታና ዩሱስ ኪርስቶሳ ባጋራ ፑዴ ፃይጊዳ ጊሽ ዋይቶ ጋካ ኤካናስ ኤሌላይስ።

15 ሄሳ ጊሽ ኑኒ አማኖን ሚኒዳይቲ ወሪካ ሃኒዛ ዮጾ ወርሲ ሃሳሶ ፃላናስ ቤሴስ። ኢሲ ኢሲ ዲማ ቆፋይ ኢንቴስ ዲኮ ሃሳካ ያሲ ኢንቴስ ቆንጨሳና። 16 ጊዲኮካ ኑ ሃዒ ጋኪ ኤሪዳካን ኣኔ ሲሜራቶስ።

* 3:5 ኦር 11:1፤ ሃዋ 23:6፤ 26:5 * 3:6 ሃዋ 8:3፤ 22:4፤ 26:9-11

17 ታ አሻቶ! እኔ አንቴ ታ ሃኒዛ ማላ ታና ካሊቴኔ ሃራታራካ ኢሲፌ ዳዒቴ። ኑ ኑና አንቴሰ ለሚሶ ሂሰቲ ቤሲዳ ማላ ዲዛ አሳታ ዋዝናን ዋሊቴ። * 18 ጋሶይካ ሃይሳፌ ካሴ ታ አንቴሰ ዛራ ዛራ ዮቲዳ ማላ ሃዒካ ዛራዳ እፋንጻራ አንቴሰ ዮታይሰ። ዳርቲ ኪርሰቶሳ ማሰቃሌሰ ሞርኬ ገዲዲ ሲሜሬቴቴሰ። 19 ኢሰታ ዉርሴል ጳዮ። ኢሰታ ኡሎይ ኢሰታ ያሳ። ኢሰታሰ ካዉሻቴላይ ኢሰታሰ ቦንቾ። ኢሰታ ዋዝናይ ሹምፕዳይ ሃ ቢታ ዲሳና። 20 ኑ ዳሬይ ገዲኮ ሳሎና። ሄፔ ቡሮ ያናይሳ ኑና አሺዳ ጎዳ ዬሱሰ ኪርሰቶሳ ዩሳ ላሞቴላን ናጎን ደሰ። 21 ኢዚካ ዉርሲ ባፔ ጋርሳን ሃሪሳና ዳንዳዪዛ ባ ዋልቃና፣ ዳቡራንቻ ገዲዳ ኑ አሳቴል ቦንቾቲዳ ባ አሳቴል ሚሳቲሲዲ ላማና።

4

ዉርሴላ ዞሪ

1 ታ አንቴና ደሲዛይቶ! ታ አንቴና ላሞቲዛይቶ! ታሰ ኡፋይሲኔ ኦሶ ዛዉዴ ገዲዳ ታ አሻቶ! ጎዳን ሚኒ ኤቂቴ።
 2 አንቴ ቆፋይ ጎዳን ኢሲኖ ገዳና ማላ ኤዎዲያኔ ሲንጻኬይ ባ ጋርሳን ሲቁታና ማላ ታ ኢሰታ ዋሳይሰ። 3 ኤሮ! ኔኖ! ታናራ ኢሲፌ አማኔቲዳ ኦሳንቻዞ፣ ሚሺራቾ ቃላ ዮቶሰ ታናራኔ ቃላሚንያሳራ ቃሴካ ኢሰታ ሱንጻይ ዴዎ ማፃፊን ፃፊቲዳ ሃንኮ ታናራ ኦሶ ላጌታራ ኢሲፌ ዋዪዳይታ ሄ ማጫሳታ ኔ ማዳና ማላ ታ ኔና ዋሳይሰ።
 4 አይ ዋዴካ ጎዳን ኡፋዬቲቴ። ቃሴካ ታ አንቴና ኡፋዬቲቴ ጋይሰ። 5 አንቴ ኪያቴል አሳ ኡባ አቻን ኤሬቶ። ጎዳይ ያና ማቲዳሰ። 6 ሃኒዛ ዮዎን ኡባን ጋላታን፣ ዋሳኒኔ ጋናቴላን ያሳ ሲንላ ሸቂቴ አቲን አይ ሚሻንካ ሂርጎፍቴ።
 7 አሳ ቆፋፔ ቦላራ ዲዛ ያሳ ሳርቴል አንቴ ዋዝናኔ አንቴ ቆፋ ዉርሲ ዬሱሰ ኪርሰቶሳን ናጌሰ።
 8 ዉርሴላ ቦላ ታ አሻቶ! ቱሙ ገዲዳ ዮዎ ዉርሲ፣ ቦንቾ ገዲዳ ዮዎ ዉርሲ፣ ዳሴቲዳ ሚሺ ዉርሲ፣ ሎዎ ገዲዳ ዮዎ ዉርሲ፣ ሎዔቴል ገዲንካ ጋላታካ ሃይታንታ ሚሳቲዛዝ ዉርሲ ቆፕቴ። 9 አንቴ ታፔ ታማሪዳይሳ ዋይኮ አንቴ ታፔ ኤኪዳይሳኔ ሲዪዳይሳ ዋይኮ ቤይዳይሳ አይ ገዲኮካ ዉርሲ ኦሊቴ። ጎዳይ አንቴናራ ገዳና።

ጳዉሎሲ ማዲዳይታሰ ሺሺዳ ጋላታ

* 3:17 1ቆር 4:16፤ 11:1

10 ዳር ዎዴፔ ጉዬ ኦራላ ቆፋራ ኢንቴ ታ ጊሽ ቆፎ ኦይኪዳታ። ሄሲካ ጎዳ ባጋራ ታና ኬሂ ኡፋይሴሴ። ቱሙካ ኢንቴ ታሰ ቆፎ ኢጊቤይከታሺን ኢንቴ ቆፒዳ ማላ ኦፋናሰ ኢንቴሰ ሃኖ ኢዲዳሰ።

11 ታኒ ሄሳ ጊዛይ ታና ማቲዳ ጊሽ ጊዳና። ጋሶይካ ታ ኦይ ሃኒኮካ “ዲዛይሲ ታሰ ጊዳና” ጉሰ ታማራዲሰ። 12 ፓጩካ ታ ኤራይሰ፤ ዳማዳካ ኤራይሰ፤ ታ ጋፋዳካ፣ ካላዳካ ኤራይሰ፤ ዲንካ ቆዩንካ ኤራይሰ፤ ኦይ ጊዲኮካ ታሰ ዲዛይ ታሰ ጊዳና ጉሳ ፀራ ታ ሎዴላ ኤራይሰ። 13 ታሰ ዎልቃ ኢሚዛ ኪርሰቶሳን ታኒ ኡባ ሚሼ ኦፋናሰ ዳንዳያይሰ።

14 ጊዲኮካ ኢንቴ ታና ታ ዎዬን ማዲዳ ጊሽ ሎዎ ኦላዳታ። 15 ኢንቴ ጥሊጲሲዮሴ ኦሳቲ ሄሳፌ ቦላራ ኢንቴ ኤሪዛይ ኮይር ሚሽራቸ ቃላ ኢንቴ ኤኪዳ ዎዴ ታኒ ማቂዲያፔ ዴንዳሼ ኢንቴፌ ኦቲን ጌዴ ኢሚዲካ ሃ ኤኪዲካ ማዴቲዲኔ ማዲዳ ጊዛ ዎሳ ኬላ ታሰ ዳና። * 16 ሃራይ ኦቶ ሺን ታ ካሴ ታሶሎንቄን ዲዛ ዎዴካ ታኒ ሜቶቲን ኢንቴ ዛሪ ዛሪ ታሰ ማዶ ዬዲዳታ። 17 ታ ሄሳ ጊዛይ ኢሚዳ ጊሽ ኢንቴሰ ኦንጆይ ዳራና ማላ ጋዳ ኦቲን ታ ኢንቴፌ ማዶ ኤካናሰ ኦሞታዳ ጊዳና።

18 ታሰ ኮሺዛይሳን ታና ኮሺዛይሳፌካ ቦላራ ኤካዲሰ። ኢንቴ ታሰ ዬዲዳ ማዶ ሚሻ ኦፍርዲዎ ኩሼፔ ኤኪን ታ ፓጩይ ኩሚዴሰ። ሃይሲ ዳርፔ ያሳ ኦቻን ኤከቲዳ ዳር ሎዎ ሳዋዛ ያርሾ ማላ። * 19 ያሲ ባ ዲሬቴላ ጊና ኢንቴና ኮሺዛይሳ ጎዳ ዬሱሰ ኪርሰቶሳ ባጋራ ኢንቴሰ ኩንላና። 20 ኑ ኦሞሲኔ ኑ ያሳሰ ሜርናፔ ሜርናሰ ቦንቸይ ጊዶ። ኦሚን።

ወርሴላ ሳርካ

21 ኦማኒዛ ኦሳ ኡባ ዬሱሰ ኪርሰቶሳ ሱንላን ሳር ጊቴ። ታናራ ዲዛ ኢሻቲ ወሪካ ኢንቴና ሳር ጌቴሰ። 22 ኦማኒዛይቲ ወሪ ሃራፔካ ቄሳሬሶ ኦሳፔ ኦማኒዛይቲ ወሪካ ኢንቴና ሳር ጌቴሰ።

23 ጎዳ ዬሱሰ ኪርሰቶሳ ኦቶ ኪያቴላ ኢንቴናራ ጊዶ። ኦሚን።

* 4:15 2ቆር 11:9 * 4:18 ኬሳ 29:18

ኦሪሳ ጩቆ ማግኔ ጋሞሳ

New Testament in Gamo (ET:gmv:Gamo)

copyright © 2011 Wycliffe Bible Translators, Inc.

Language: Gamo

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gamo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 11 Nov 2022 from source
files dated 29 Jan 2022
dffa0cbb-5f77-5875-bf95-f4176677af45